



Člonojo Sakskeje Serbskeje rady Leńka Thomasowa, Dawid Statnik, předsydka Marja Michałkowa a Manfred Hermaš (wotlěwa) su džensa w Budyšinje předžětany lětak gremija předstajili a swoju lońšu džělawosć bilancowali. Přichodny tydzeń rozesćelu flajer do serbskich domjacnosćow. Městopředsyda Hubertus Ryčer njemóže so chorosće dla wobdzělić. Foto: SN/Maćij Bulank

Změnu zakonja we wóčku

Serbska rada chce serbsku wučbu tež zwonka sydlenkeho ruma skićić

Budyšin (SN/jaW). Rada za serbske naležnosće Sakskeje chce so za změnu sakskeho šulskeho zakonja zasadzić. To zdžěli předsydka rady Marja Michałkowa (CDU) džensa nowinarjam w Budyšinje.

W džensnišim přním džětowym wuradźowanju su so člonojo gremija z naćskom změny zakonja zaběrali a so dojednali nastupajo serbske šulstwo namjetować pasažu w zakonju, w kotrymž je rěč wo „serbskim sydlenkim rumje“ ze zakonja šmórnyć. Tuchwilu počahuja so serbske wučbne poskitki na serbskich abo dwurěčnych šulach jenož na serbski sydlenki rum. Wuwiće zaštych lět pak pokazuje, zo měli to rozšěrć. Wšako w džensnišim modernym času młodži ludžo jenož we Łužicy njewostanu. Tak su so na přikład w Drježdžanach dobre iniciatiwy wuwili, runje tak w Lipsku. Tež z Berlina ma Sakska Serbska rada po słowach Michałkowej wotpowědne signale. „Nětkole dyrbymy na to reagować, kak

iniciatiwy, kotraž na městnje tuchwilu w pěstowarnjach maja, na šulach dale wjedźemy. Tu měta wola staršich w srjedžišću stać, a po tym měli tež jednać“, podšmórny Michałkowa. Tak měi so stat wo wotpowědne šulske poskitki na přikład tež w Drježdžanach abo Lipsku starać, přeja-li sej starši tam za swoje džěći serbsku rjadownju abo serbsku skupinu w šuli. „Z tymle namjetom podamy so do jednanjow“, zwurazni Marja Michałkowa. Hač změja z namjetom wuspěch, je dotal wotewrjene.

Bilancowali su člonojo Sakskeje Serbskeje rady džensa zdobom džělawosć lońšeho lěta. Tak su zašty tydzeń Sakske mu krajnemu sejmej rozprawy wo tym w serbskej a němskej rěči předpožili. Jako wulki wuspěch wuzběhny předsydka rady změnu kriterijow předpisow nastupajo popisane turistiskich a pokwnych taflow při awtodroch. „Wotnětka je kruće zapisane, zo ma so na nich dwu-

rěčnosť wobkedźbować.“ Jako dalši wažny a wuspěšny dypk naliči Marja Michałkowa wudaće předžětaneho lětaka rady za serbske naležnosće. W nim informuje wona dwurěčnje wo svojich nadawkach. Samo logo krajneho sejma je w nim dwurěčnje podaty, člonojo gremija wuzběhnychu. Zdobom informowachu nowinarjow wo tym, zo je krajny sejm z přestajenjom komunikacije na digitalne wašnje džělo rady chětro wolóžiti. „Wšitke dopisy, kotraž dóstawachmy w papjerjanej formje předleža nětko jako e-mailki, štož spěšnišo dze“, rozložili člon Serbskeje rady a předsyda Domowiny Dawid Statnik. Zdobom zdžěli wón, zo je Sakski krajny sejm swoju internetnu prezentu ponowil a poskitka strony nětkole tež w serbskej rěči.

Tuchwilu hotuje so Sakska Serbska rada na 3. wubědźowanje „Rěčam přichilena komuna“, kotraž chcedza najzašo nazymu zahajić.